

20/04/2001

Minggu saham diiktiraf agenda tahunan

KOTA BHARU, Khamis - Minggu Saham Amanah Malaysia (MSAM) diiktiraf sebagai agenda tahunan negara oleh Perdana Menteri, Datuk Seri Dr Mahathir Mohamad, ketika merasmikan 'Minggu Pelaburan Bersama Permodalan Nasional Berhad (PNB)' pada Jun 1999.

Hasilnya, MSAM pertama dianjurkan bersama oleh PNB dan Persekutuan Pengurus-Pengurus Amanah Saham Malaysia (FMUTM) pada 20 hingga 24 April tahun lalu di Pusat Dagangan Dunia Putra (PWTC) dengan bertemakan 'Saham Amanah - Pilihan Pelabur Bijak'.

Selain menjadi tarikh pelancaran MSAM 2001, esok juga turut menandakan genap 20 tahun pelancaran skim Amanah Saham Nasional (ASN).

Mengekalkan tema tahun lalu, MSAM 2001 akan dilancarkan oleh Dr Mahathir di Dewan Majlis Perbandaran Kota Bharu (MPKB) esok, khusus bagi memberi peluang kepada masyarakat di luar ibu negara untuk mengecapi usaha PNB dalam memberi pendidikan pelaburan secara bersepadu dan berterusan.

(END)